

中華民國十二年五月重刊

新舊約接續史

上海廣學會發行

中華民國十二年五月再版



新舊約接續史

每冊定價一角

郵費另加

原著者 英國庫壽齡

校閱者 楚南李路得
潯陽毛雲軒

刊行所 上海廣學會

北四川路一四三號

新舊約接續史

二約聯史序

庫牧師壽齡英國博學士也來華廿載於山東青州創立廣德書院生徒不下百餘人後因書院東遷於濰遂離山東而旅居滬上昔年課徒之餘尤多博覽古書因將二約中間聖經未載之遺史纂集一書名二約聯史凡古書中有關聖史者卽一人一事無不備載草稿既成未暇修飾已西夏余因公來申適

牧師東去日本余同師母校閱是書將字句少有更改兼分章以醒眉目不求文字之精深原期雅俗共賞惜余多年不弄翰墨未免遺笑大雅望閱是書者不以文害詞爲幸然是書於搜求聖史者豈曰小補之哉

崑

宣統元年巧月中浣山東青州受業李永慶序於河南開封普育中學堂

新舊約接續史序

新舊二約。古之聖經也。亦卽古之信史。然自舊約紀事之末。以迄新約救主降生以前。此數百年間。史有闕文。一若杞宋之無徵。讀者憾之。英國庫壽齡牧師。博採他書。集新舊二約間時代之史事。編成新舊約接續史一書。以補聖經之缺。書分三十七章。由猶太屬波斯。屬希臘。屬羅馬。以迄國亡。相距三四百年之事實。拾遺補佚。朗若列眉。庶讀古史者有所考證。若用以爲耶教學堂之課本。則裨益尤鉅。書成囑余誌其緣起如是。

宣統元年九月上虞許家惺序

新舊約接續史目錄

總論猶太古史

第一章論猶太屬波斯 Persia

第二章論亞力山大 Alexander 勝波斯

第三章論亞力山大得猶太

第四章論他利米 Ptolemy 得猶太

第五章論西路庫 Seleucus 立安提阿 Antioch 城

第六章論第二他利米

第七章論第三他利米

第八章論第四他利米

第九章論猶太歸敘利亞 Syria

第十章論猶太受希臘 Greece 教之沾染

第十一章論以庇法尼 (Antiochus) Epiphanes 迫猶太

第十二章論猶大瑪卡比 Judas Maccalaens 救猶太

第十三章論猶大得耶路撒冷 Jerusalem

第十四章論利息亞 Lysias 與猶太戰

第十五章論底米丟 Demetrius 迫猶太

第十六章論約拿丹 Jonathan 救猶太

第十七章論西門 Simon 救猶太

第十八章論希耳卡奴 Hyrcanus 救猶太

第十九章論猶太內爭

第二十章論猶太屬羅馬 Rome

第二十一章論亞力山大 Alexander 叛羅馬

第二十二章論羅馬三帥爭權

第二十三章論以東 Idumea 之安提帕德 Antipater

第二十四章論希律 Herod 宰猶太

第二十五章論雅基老 Archelaus

第二十六章論安提巴 Antipas

第二十七章論腓力 Philip

第二十八章論亞基帕 Agrippa

第二十九章論喀力古拉 Caligula 時亞基帕如何待猶太

第三十章論羅馬官治猶太

第三十一章論方伯初治猶太

第三十二章論方伯治猶太

第三十三章論約瑟弗 Josephus 治加利利

第三十四章論約瑟弗保護猶太

第三十五章論約翰 John 及斯卡拉 of Gischala 保護猶太

第三十六章論提多 Titus 勝猶太回國

第三十七章論猶太人之結局

新舊約接續史

英國庫壽齡牧師著

總論猶太古史

初以色列 Israel 族出埃及。 Egypt 因叛主受罰。未得進迦南。至其子孫方得進之。始立猶

太國。然猶屢叛主命。主使亞述滅其十支派。餘二支派。爲巴比倫擄去。虐待至七十餘年。及

波王古立得巴比倫。上帝乃垂恤其民。感古立 Cyrus 降旨。准猶太人回國。 以斯拉尼希米詩篇等書可知

修聖殿。隨摩西 Moses 禮拜上帝。 主前五百三十七年

論猶太人回國一事。於歷史所關者小。 指萬國史 於天道所關者大。曷言乎關於歷史者小。因計

其反國人數。約僅四萬。此一城一鎮之民。無與萬國之興衰。曷言乎關於天道者大。因人數

雖少。而其所行之事則甚重要。若重修聖殿。復拜主典禮。上承先人之志。下貽後代之福。使

祖孫相續以拜主。至反國之人。甚少之故。乃因被擄者之後嗣。有因通曉巴比倫 Babylon

學問。或因多獲財利。故安土重遷。惟有熱衷事主之民。不忍聖殿傾圮。神道泯沒。乃決歸故

里反國後。遂立殿基。因撒馬利亞 Samaria 人出而相阻。故未得如願。逾數十年。波王勝巴

比倫。猶太僅爲波斯一省之一部。波王命尼希米 Nehemiah 督猶太。曾促猶太人修城。又有

先知哈該 Haggai 撒迦利亞 Zechariah 催修聖殿。以斯拉 Ezra 亦曾以書激勵之。主前五百年

第一章論猶太屬波斯

尼希米卒。歷二百餘年。猶太國似無史事可紀。敘利亞爲波斯之行省。猶太卽隸敘版圖。除納貢賦外。其餘事務暨拜神禮儀。敘督全不過問。惟祭司督拜主大典。兼充猶太宰。故有獲利大權。遂有因涎祭司職任。以致兄殺弟於聖殿中。上稟敘督。敘督罰其每年獻牲。須納稅銀百三十萬。故拜神之事。其權亦屬外人。猶太之弱。可云極矣。計猶太人回國後隸於波斯者。計二百餘年。固忠心事之而弗叛也。

第二章論亞力山大勝波斯

主前三百四十年。歐洲希臘。或曰馬其頓 突出偉人。曰亞力山大。智勇兼備。率兵東渡。欲破推羅。

Tyre Sidon 但推羅城最堅。城居島中。前波王環攻三年未克。而亞力山大設法將島

以陸路連之。攻之乃克。又東抵大馬色。Damascus 其城左右各地。悉隸版圖。所向披靡。東侵

波境。波王屢被戰敗。終被滅。希臘所轄。東至印度斯。Indus 河。西至希臘。雖每戰必勝。而功

尙未成。蓋以中道而崩之故。三十三歲而卒 其功業雖未大成。然因其東征。使希臘教化。散佈於巴

比倫波斯等國。則所賜良多矣。

第三章論亞力山大得猶太

古書所載亞力山大圍推羅時。嘗函諭耶路撒冷助軍餉。耶路撒冷違命。迨破城後。率兵南征。問耶路撒冷之罪。城中無力禦敵。故民皆衣美衣。祭司衣祭服以降。亞力山大見衣祭服者。下馬輒拜。左右詢其故。乃曰。我疇昔之夜。夢衣此衣之神人。囑我攻波。今與夢見者相符。故拜之。亞力山大厚待猶太人。許其每至七年。不納貢賦。如舊約所載之豁免年。利未記二十五章三節王亦嘗抵埃及。於尼羅河口。建一大城。曰亞力山太。Alexandria南連埃及。北沿大海。係最要商埠。復遷猶太人居其城中。後戰勝巴比倫。遂以巴比倫爲京師。主前三百二十三年。崩。無嗣繼位。時其后孕以四後四臣因爭國起隙。各據一方。自立爲王。

第四章論他利米得猶太

他利米者。卽希臘攝政四臣之一。據埃及一帶要區。欲得猶太。率兵乘安息日攻耶路撒冷。因猶太人皆守安息。未有備禦。故他利米不戰而下。亦未戮生民。乃遷猶太人數千戶於埃及。且素知猶太人。忠信篤敬。品性公正。故厚待之。主前三百零一年。亞力山大之四臣。因據地起隙。釀成鉅禍。後公議畫疆而治。勢成割據。此疆爾界。無得侵掠。於是猶太遂屬他利米治下。

第五章論西路庫立安提阿城

四臣中有據敘爲王者。曰西路庫。修明制度。開拓疆土。致幅員之廣。綿延數千里。但以理十章五節
所言之大王即此人建東都於底格理斯 Tigris 河畔。以已名名之。修西京於地中海濱。名以父名。曰安提阿。主前三百年是城早被傾覆。雖不如亞力山太城。至今猶存。然在聖經。亦係要城。許猶太人遷居城中。使其所沾恩澤。與希臘人等。故猶太人。居安提阿者有之。遷埃及者有之。居巴比倫者亦有之。於是拜主典禮。舊約律例。易傳於此數邦。誠爲備人受眞道之階梯。救主耶穌之先導者矣。

第六章論第二他利米

他利米卒。其子卽位。曰第二他利米。主前二百八十三年待猶太民以隆禮。願猶太民居其境內。立藏書室於亞力山太城。購希臘羅馬等地名人著作。置於其中。以存國粹。嘗使七十猶太人。議譯經爲希臘文。其所關係者有二。一因古希伯來 Hebrew 文。卽猶太人。除文士外皆不誦習。他國人無論矣。而希臘文則甚通行。文士未有不習者。今有希臘文聖經。則無論猶太庶民。以及外邦人士。俱得譯誦。此爲主備路之要道。二因希伯來舊約。遇有句讀費解處。大抵非爲衍文。卽爲脫誤。苟以希臘聖經對照。庶能瞭然。因希臘文聖經。乃猶太人逐句繙譯。必無

甚錯誤也。

第七章論第三他利米

第二他利米崩。第三他利米嗣。待猶太民亦極厚。嘗獻上等寶物於聖殿中。以伸敬意。

第八章論第四他利米

至第四他利米。爲人凶暴。弑戮父母。般樂怠敖。荒淫無度。敍王安提俄古。Antiochus 攻敗腓

尼基。Phoenicia 與大馬色。推羅多利買。Ptolemais 三城。率兵南下。乘埃及王沈於酒色。欲攻

埃及。而埃及王竟勝敍王。卽北抵耶路撒冷。見聖殿森然。遂捐銀若干於主庫。且面諭祭司。欲

入聖所一觀。然此聖所除大祭司。每年一次例得灑血進至。其餘卽猶太人民。不得擅入。况

異邦人乎。故祭司與士民皆不悅。而王堅意欲入。阻之弗得。祭司涕泣。士民號哭。王至聖所。

須臾震驚欲死。呼左右載歸。回至亞力山太城。虐待猶太人以洩己怒。有被責者有革職者有被殺者自此

猶太人有離畔埃及之心。王卒後。其子五歲卽位。爲第五他利米。

第九章論猶太歸敍利亞

敍王敗後反國。復訓練士卒多年。聞埃及王冲齡踐阼。卽率兵攻之。嗣後戰事頻仍。殆無虛日。總之二國互有勝負。而猶太均遭蹂躪。主前二百零三年。敍王安提俄古破耶路撒冷城。

逾四年。埃及克復之。明年敘王大勝埃及。散其卒。擄其帥。猶太人從此甘願離埃附敘。因埃王苛刻。復玷污其聖殿。而敘王則待以仁厚。且許其拜主。亦允復耶路撒冷舊業。嚴諭國人勿入聖殿。又送錢幣爲殿中費款。遷住巴比倫之猶太民。計二千餘戶。○時羅馬帥督師東下伐敘。勝之。遂訂盟。罰重幣。并取其子安提俄古。又名以庇法尼爲質。敘王庫絀。欲納廟中寶器。暫充賠款。其民不悅而殺之。其子踐位。曰第四西路庫羅馬。復與之盟。以子底米丟爲質。代弟安提俄古。以人爲質。西亞諸王常用此法。西路庫初待耶路撒冷人甚厚。繼因財庫空乏。委宰至耶路撒冷。取殿中寶器。以充羅馬償款。猶太人不允。宰怒。逼入至聖所。頃刻忽驚如死。左右移出殿外。祭司爲之禱禳。乃愈。反國。稟明敘王。謂斷不可取殿中之物。異日宰乃弑王自立。王弟安提俄古聞之。遂殺宰嗣位。是名以庇法尼。主前一百七十五年

第十章論猶太人受希臘教之沾染

自亞力山大王。至是一百五十餘年。猶太人不屬埃。卽屬敘。且此二地之王。皆亞力山大之臣。及其臣後嗣。皆希臘人也。故此一百五十年。猶太民得沾希臘教化。因此猶太人欲學希臘學問者。不乏其人。然亦有人不欲染此教化。恐受玷污。有礙拜主者。時有祭司長弟約書亞。gohna 頗羨希臘教化。專攻其學。改名雅訓。Jason 希利尼音。執贄往謁以庇法尼。許王重賄。

願獲兄職爲祭司長。以庇法尼乃委人至耶路撒冷。請祭司長赴安提阿羈之。禁回耶路撒冷。約書亞遂詣耶路撒冷。踐兄位爲祭司長。開體操場。猶太人重義希臘人重美使人賽舞鬪拳角力其間以練體力。雖係要事却祭司職此與拜主有礙故不合理復設學堂。令猶太子弟皆習希臘學問。以益智力。越三載。委其弟米尼婁至安提阿應事。其弟亦效兄之尤。以奪其職。卽率兵至耶路撒冷。逐兄自立爲祭司長。其爲人也。殘忍凶暴。較兄尤甚。時以庇法尼謀攻埃及。主前一百一十一年督師南下。至埃及及北境。屢戰而捷。次年又攻亞力山太城。未克。時有訛言傳至猶太。言以庇法尼於埃及陣亡。約書亞卽雅訓欲圖報復。率兵千餘與弟血戰。竟被弟勝之。而以庇法尼因知猶太民譌聞已陣亡。樂而生亂。遂赫然震怒。反兵至猶太境。破耶路撒冷城。以討叛民。并縱軍城中。蹂躪三日。殺戮焚掠。無所不爲。民遭荼毒。苦難言喻。計被殺者四萬餘人。被鬻爲奴者亦四萬餘。并掠去殿中一切寶器。其尤甚者。將拜主祭壇。獻猪爲祭。猶太人最惡此物且以一猪焚其半。以半爲羹。揮洒殿中各壁。致全殿穢污。故猶太人至今痛惡其人焉。

第十一章論以庇法尼迫猶太

主前一百六十九年。以庇法尼第三次攻埃及。圍亞力山太城。猶太人因其玷污聖殿。故竭力助守。敘王未克。明年又興師。欲先破亞力山太城。繼吞埃及。適有羅馬三四欽使至。諭禁

攻城。時埃及求援於羅馬故以庇法尼雖不悅，勉從之。因其不能在外攻敵，遂欲返國以除

內亂。命其臣亞坡羅鈕Apollonius督師至耶路撒冷。安息日城陷，男則盡殺之，女則鬻爲

奴。聖殿中血流漂杵，將近聖殿之房舍，改爲營臺，置戍兵禁人獻祭。從主前一百六十七年

殿中廢日祭。但以理十一章三十六至三十九又猶有甚者，欲滅其教，諭人民專拜僞神。故

猶太熱衷事主者，咸奔山洞中。猶太山中多有此洞而染希臘教化者，即拜僞神。越數日，有委員至耶

路撒冷。從安提阿委者使人必嚴守此律，違則重刑。乃將聖殿洒掃，立牛皮特Jupiter廟。牛皮特羅馬僞神，但

以理十一章三以聖壇獻猪祭。且於各地立小壇，使人獻祭拜僞神，逼食猪肉。否則重責。禁

讀經。儲經者死。若見經必焚之，焚割禮。王雖非常迫害，然仍有多人爲主致命。此時猶太滅

在旦夕。雖有熱衷虔禱者，亦幾失望矣。

第十二章論猶大馬卡比救猶太

時有一祭司，名瑪他提阿。Mattathias居約帕Toppa與耶路撒冷中間之小村。生有五子。時

敘王派人於猶太彌國中立壇，勒拜僞神。至是村，瑪獨抗拒。見有拜僞神者殺之，又殺委員。

此耗尙未達耶路撒冷。瑪即率五子與熱衷事主者奔赴山中。敘督遣人率兵追之。入山時

遇安息。猶太人未備戰，被敘兵襲殺千餘。瑪他提阿痛傷無極。議日後再遇敵兵，雖安息必

戰。後在山中。防敵以外。復得閒。每日下山。見猶太未受割禮者。割之。遇拜僞神者。殺之。瑪他提阿將卒。遺囑五子云。昔上帝如何扶助以色列人。如何使其勝敵。今亦必袒護爾等。勿退勿降。但當忠心事主。竭力禦敵。三子猶大智勇兼備。命之爲首。次子西門多智爲副。其餘三子。皆協力贊襄。及卒。主前一百六十六年猶大才志邁人。道心又堅。克盡厥職。故人號之曰。猶大馬卡比。約卽鍾子之意時亞坡羅紐此人第二次破耶路撒冷廢聖殿中日祭率背主之猶太人與撒馬利亞人攻猶大。敗績陣亡。復有一帥領兵數千。討猶大亦敗。以庇法尼怒。因東方亂作。親率所部士卒之半東上。故無暇親征。猶太使太子輔利息亞代伐猶太。命其恣意殘殺。必盡滅猶太。然後快心。利息亞命其二屬員。尼卡挪耳與高季阿司。率步兵四萬。馬兵七千。立營於以瑪忒斯。Emata野。是地在約帕與耶路撒冷之中時猶大帥三千餘人。避處山中。尼卡挪耳。Nicanor命高季阿司。Gorgias率步兵五千。騎兵千餘。夜至猶大營後攻之。使其前後受敵。而猶大度是夜必有敵兵來襲。先設伏其後。遂急帥所屬之三千人下山。乘尼卡挪耳未備。攻之。斃兵敗走。盡獲營中所遺資財。并焚斃營。而猶大示衆。不許因貪財物。致誤軍機。速反兵攻高季阿司。時高在山中。終夜尋覓猶大。未能一遇。不意於山中遠望。斃營火焚。無暇再尋猶大。卽速催兵北下。忽遇猶大衝鋒而來。大敗高季阿司。是役也。能使事主之人。熱衷彌堅。初尼卡挪耳。意已軍必勝。且

必俘獲仇敵。預於各城各埠。定鬻奴價值。以備賣奴。故各埠商客。皆攜錢赴敘營販奴。致猶大熟至。則商客皆棄錢而遁。其錢被猶太人所獲。其有未及逃者。反被猶大賣爲人奴。亦可異也。

第十三章論猶大得耶路撒冷

明年利息亞親率步兵六萬。騎兵五千。欲掃滅馬卡比黨。猶大與其戰而勝之。且使其引兵而還。猶大乘機得回耶路撒冷城。而近殿之敘營。却未得破。遂諭其屬嚴謹防守。以備不測。既入殿。見房舍多經焚燬。鞠爲茂草。一望靡蕪。殿中寶器盡亡。祭主崇壇污穢。因獻豬祭心之憂傷。曷其有極。速使人滌瑕蕩垢。洒掃殿壇。獻祭拜主。爲八日之樂。後此八日。爲猶太人之重修聖殿節。每年必守是節。約翰十章二十二節○城中雖有敘兵。猶太人却得平安拜主。又循聖殿修一護牆。工畢。因列國見猶太復興。欲合兵來攻。故猶大率人先攻以東。適有加利利 Galilee 與河東及基拉三處猶太人。皆來求援。猶大囑兄西門率兵至加利利。已則率兵至河東。其餘委他人理之。各軍皆捷。然恐河東之猶太人。仍受欺侮。故遷至河西本地。

第十四章論利息亞與猶太戰

以庇法尼將卒時。卽囑大臣腓力輔太子。兼攝國政。初託利息亞輔太子。兼理猶太。因此利